



Inatsisartuni ilaasortamut, Anda Uldum, Demokraatit

Anda Uldumimut § 37-mi apeqqutini akissutit

Asasara Anda Uldum

Suliffeqartitsineramik iliuserisamut tunngatillugu apeqqutigisannut qujanaq. Tamassa akissuterput:

1. Suna pissutaava Inuussutissarsiornermut Aatsitassanullu Naalakkersuisup pisariaqartissimmagu illuatungiliuttunik saassussissalluni suliffissaqartitsiniarluni sulineranut atatillugu?

2. Inuussutissarsiutinut Aatsitassanullu Naalakkersuisoq isumaqarnerluni illuatungiliuttunik suleqateqarnermik uummarissaassalluni, suliffissaqartitsiniarluni sulineranut atatillugu illuatungiliuttut sulinerat soqutaanngitsumik eqqunngitsumillu isornartorsioruniuk?

Isumaga malillugu demokrateeqarfiusumut uummarissumik, ilaatigullu qaninngoorisartumik politikikkikkut oqallinneq peqqinnarnerpaat ilagaat. Matumani oqariaaseq "saassus-sineq" erseqqinnerusumik nassuiaateqarfiginiangilara, politikikkulli oqallinnerit aamma siunissami iliuserisatsinnik, qanorlu peqatigiilluta kikkut tamarmik atugarissaarnerulersillugit nunamik ineriartortitsisinnaanissatsinnik eqiingasumik, piumassuseqartumik perusussuseqartumillu oqallissutiginiisaannut neriuutigiinnassallugu.

Tusagassiutinut nalunaarummi maajip 30-anneersumi oqaatsimma apeqqutilliusup "soqutaanngitsutut" paasisimassappagu ajuusaarutigissavara. Tamanna siunertari-neqarsimangilaq. Matumani aamma tusagassiutinut nalunaarummi allassimasara uteqqissavara:

Tusarnaarusuppassi – aammalu allaffiga kaffisoriartortussanut ammasuaannarpoq. Tassami kinaassusersiunngitsumik suliniutit suulluunniit suliffissaaleqisunik ikilisitsisinaasut - uanga imaluunniit Naalakkersuisunut ilaasortat sinnerisa naalaartuarusuppaat.

Inussiarnersumik inuulluaqqusillunga
Med venlig hilsen

Jens-Erik Kirkegaard

17. juni 2014
Sagsnr. 2012-061318
Dok. Nr. 1608471

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl